


得
効
方



世醫得効方卷第一

建寧路官醫提領陳

南豐州醫學教授危

江西等處官醫副提舉余

志



刊行



亦林 編集

賜山 校心

○大方脉雜醫科

○集脉說

人之有生、血氣順則周流一身、脉息和而諸疾不作、氣血逆則運動遲澁、脉息亂而百病生、然脉之精微、心中了了、指下難明、故西晉王叔和猶為切慮、凡診之際、須澄神靜慮、以呼吸息數定病人之脉候、兩手各三部分、分為寸關尺、左三部心、臟、肝、腎、小腸、膽、右三部心、臟、肺、脾、命、大腸、

胃與三焦為腑每部浮按消息之次中按消息之
又沈按消息之浮以診其腑見六腑之盛衰沈以
診其臟見五臟死生盈虛中則診其胃氣蓋胃為
水穀之海人以食為命有胃氣則生無胃氣則死
每三部三三如九乃為九候復有七表八裏九道
脈風寒暑濕中傷之脈七情虛損寒熱之脈當析
而論之七表層陽浮芤滑實弦緊洪浮如指按葱
葉芤則中空有兩頭滑似流珠實則健而有力弦
如琴絃緊如弓弦洪則拳指極大八裏屬陰微沈
緩瀽遲伏濡弱微於指下如細絲沈若爛綿尋之
至骨緩則耒往不急不慢瀽如刀刮竹狀遲則尋
之隱伏潛於骨重指乃得濡湊指邊似怯弱而

去耒無力九道之脈長短虛促結代牢動細長促
屬陽短虛結代牢動細為陰長脈三關通度促脈
尋之極數短脈按之不及虛脈尋之不足舉之有
餘結脈指下聚而却還代脈動中一止停久乃還
有疾見之難治若氣逆得之則無憂牢脈固結不
移之狀三部若見皆死候也動脈再尋之不離
其處細脈細如絲耒往極微凡此二十四脈分
別鉛銖總而括之浮沈遲數也至於傷寒寒泣血
其脈緊傷寒復見風則浮而緩兩感之脈沈大者
太陽少陰沈長者陽明太陰沈弦者少陽厥陰陽
病見沈瀽弱弦微者死陰病見浮大數動滑者生
陽毒之脈極浮洪陰毒之脈附骨取之方有按之

即無陰陽二厥脈皆沉所以使人羸之陰厥脈沉
遲而弱陽厥脈沉伏而滑發熱下利脈沉弦者下
重也脈大者為未止脈微弱者自愈雖發熱不死
中寒之脈亦緊但肝中加弦心中加洪脾中加沈
肺中加遲瀦腎中加沈滑傷風則風散氣其脈浮
後見寒則浮而緊中風之脈亦浮五臟所中脈占
中寒類也大抵遲浮則吉實大弦數則難治傷暑
氣血消散脈虛弱無力中則陽弱陰虛微遲似苑
傷濕之脈濡而弱若沈而細微中之明矣七情喜
怒憂思悲恐驚喜則脈散怒則脈促悲則脈結恐
思則脈俱沈憂則脈瀦驚則脈顛皆生於氣也虛
損者脈來或浮大而無力或沈細而微弱實熱者

見於指下弦數殊甚或細數異常總而說之春弦
夏鉤秋毛冬石濡弱而長曰弦來疾去遲曰鉤輕
虛以浮曰毛沈瀦而弱曰石此四時之常脈也其
有太過不及有覆有溢有闕有格太過者氣有餘
寸脈本浮又加實大是為陽太過也尺脈本沈又
加實大是為陰太過也不及者氣不足浮之損小
者是陽不及也沈之損小者是陰不及也覆溢二
脈者溢自關前進上於魚際為外關內格陰乘之
脈也覆脈自關後退下入於尺澤為內關外格此
陽乘之脈也見如此者乃諸臟相乘四時相尅雖
未病病即死不可治也又曰三關通度過於洪大
則或風或痰設若沈細則為之不療六部相貫按

之不及極浮微者殂再再尋之至骨不絕者天年
有永矣至於衆病生死之脉若諸氣脹滿浮大可療
虛小難保下痢宜微小不宜洪大恍惚顛狂者實
大為順沉細為逆痼渴數大者生虛小難愈水氣
浮大則宜沉細則愈而復作霍亂浮洪可救微遲
不語氣少難瘥鼻衄吐血利於沉細不利於浮大
心腹痛宜見沉細不宜見浮大頭痛浮滑易除短
潘不愈上氣浮腫浮滑可安微細難療中惡緊細
易治浮大難痊金瘡出血虛細則宜實大則傾中
毒洪大則存細微則亡十恠脉者釜沸魚翔彈石
解索屋漏蝦遊雀啄偃刀轉豆麻促釜沸如湯湧
沸息數俱無乃三陽數極無陰之候旦見夕死夕

見旦死魚翔脉浮膚泛泛三陰數極又曰亡陽當
以死斷彈石脉來辟辟湊指急促而堅乃腎經真
臟脉現遇戊巳日則不治解索脉散散無序腎与
命門之氣皆亡戊巳日篤辰巳日不治屋漏之脉
如水下滴濺地貌胃氣榮衛俱絕七八日間危矣
蝦遊狀如蝦遊水面杳然不見須臾又来隱隱然
不動依前又去醒者七日死沉困者三日不治雀
啄之脉指下來三去一如雀啄食之狀脾元穀氣
已絕於內醒者十二日死困者六七日亡偃刀乏
脉尋之如手循刀刃無進無退其數無准由心元
血枯衛氣獨居無所歸宿見之四日難療轉豆形
如豆周旋展轉並無息數臟腑空虛正氣飄散象

傳曰名不正則言不順病之名狀其類至多原其所由似是而非者尤多若體認之明辨其所因之的則何患其多也夫傷寒六經之病足太陽膀胱經頭項強腰脊痛無汗足陽明胃經身熱目疼鼻乾足少陽膽經胸脇痛耳聾足太陰脾經自利不渴腹痛足少陰腎經口燥舌乾背惡寒足厥陰肝經煩滿寒熱甚則囊縮傳變不一或愈或死愈者多出旬日之外死則在六七日之間獨寒獨熱亦難治世號為大病陽毒之為病乃陽氣獨盛陰氣暴絕陰毒之為病本因腎氣虛寒或因冷物傷脾胃內既伏陰外又感寒所致陽厥初病身熱頭痛至二三日四五日方發厥半日却身熱蓋熱深方

能發厥陰厥初得病便四肢厥冷乃陰勝於陽也厥者陰陽不相順接厥少熱多者其病當愈厥多熱少者其病為進或加以上氣脚縮則為六腑氣先絕於外也至於下利清穀不可攻表汗出必脹滿下利有微熱而渴自愈中之者皆因下虛氣弱凌犯霜露及冒風雪中行所致傷風之病在表在經絡中循經流注以日傳裏中之者非正順長養萬物之風乃八方偏邪之風肥偉人多得之蓋風性緊暴善行數變其中人也卒其眩人也暈激人涎浮昏人神亂所以推為百病長傷暑乃三伏時月炎熱大行草萎河涸血消氣沮之人偶或傷之病在頃刻中之則名中暍輕則為傷重則為中傷

濕乃坐卧卑濕或為雨露所襲或汗出衣裏漸漬
滌之其有中者乃脾元久虛或為泄疾土不制水
因茲而得復有四氣伏於人身隱微而不知覺作
為百端之病綿延歲月不已必須深思求其所以
為病之因然人之平居神靜則寧情動則亂故喜
則氣緩怒則氣上悲則氣下憂則氣沉思則氣結
恐則氣怯驚則氣亂故有所謂七情之病也若真
氣既微胃氣不實復啗生冷冰雪之屬致腸胃虛
寒或大病未復便合陰陽或疲極筋力飢飽失節
或刻意苦思盡神度量叫呼走氣而虛損病所由
生也精血既衰臟腑多燥三焦頰壅復餌丹石酒
醢炙烤致腸胃蘊毒而實熱病所由生也以諸病

總而論之中氣有類中風中風而以中氣治之亦
無所傷中氣而以中風藥投之莫不旋踵告斃先
代醫師許學士張子和以親故痛念醫之不明所
以懲其弊而見於著述也若痲瘧之病未有不由
隔季所感風寒暑濕及飲食勞役瘴癘之氣為之
赤白痢疾古人所謂滯下者是也究疾之原無非
外感五邪之氣內傷生硬冷熱之食不能剋化致
令積滯而成亦有久虛傳變而成下之不禁甚者
手足不仁則五臟氣將絕於內也失血之病十種
走失莫重於此皆因四氣所傷或調養失宜所致
時疫流行則當審其春合暖而寒夏合熱而冷秋
當涼而熱冬當寒而暖是皆六氣愆和而生斯疾

大則流毒天下小則蔓延一鄉一家必辨其各季
所因不可以尋常微病目之故重則禍至滅門輕
則病至危篤外此觀形候聽聲而知病之可治不
可治經中所謂視精明者蓋五臟精明聚於目目
精全則目明神定則視審審視不瞭精明敗矣又
云目赤色者病在心白在肺黑在腎黃在脾青在
肝黃色不可明病在胸中所謂五色者乃氣之華
也赤欲如帛裹朱不欲如赭白欲如白璧之澤不
欲如堊青欲如蒼玉之澤不欲如藍黃欲如羅裹
雄黃不欲如黃土黑欲如漆重澤不欲如炭五臟
精敗壽不久矣五聲者臟之音中之守也中盛則
氣盛中衰則氣衰聲如從室中言者氣溢也言微

終日乃復言是氣之奪也譎妄不避善惡神明之
亂也鄭聲言意不相續陰陽失守也得守者生失
守者死六府強弱以候形之盛衰頭者精明之府
頭傾視深精神奪矣背者胃之府背曲肩隨胸將
壞矣腰者腎之府轉搖不能腎將憊矣膝者筋之
府屈伸不能筋將憊矣骨者髓之府行則振掉骨
將憊矣倉廩不藏者腸胃不固也水泉不止者膀
胱不藏也得強者生失強者死亘無而明之又如
五臟已奪神明不守聲嘶身冷循衣譎語撮空面
赤如衄血白如枯骨黑如烟煤面青目白面黑目
白面黃目青面赤目白耳鼻有黑色起入口耳目
顴頰赤者黑色出于額上髮際直鼻脊兩顴上黑

色出天中下至鼻上顴上面忽如馬肝色望之如青近之如黑目直視惡風面黑唇青面青唇黑面黑兩脇下滿不能自反轉頭目久痛卒視無所見陰結陽絕目精光脫恍惚陰陽竭絕目眶陷口如魚口不能復閉氣出不返唇反齒齦乾枯天柱骨倒指拳攣縮汗出不流舌卷黑髮直髮如乾麻善怒髮與眉衝起爪甲青大腑自遺不覺身熱喘息臍下硬如鐵唇裂鼻黑舌根焦四肢逆冷汗出如油不流尸臭不可近目睛直視不回一日病人健人黑色或白色起入目及口鼻二日陰陽俱絕失音不能言三日半口張唇青人中滿三日面無精光若土色不受飲食四日面赤目青六日面黑目

白爪甲下黑八日齒忽變黑十三日肝病皮黑庚辛日心病目黑壬癸日脾病唇青甲乙日肺病頰赤目腫丙丁日腎病面腫唇黃戊己日以上俱不可治也面目黃色起其病方愈面黃目青面黃目赤面黃目白面黃目黑面黑目青面目俱黃面黑目白均可治也大抵言病動以百計雖積萬言莫能盡述但當留心殷勤學之博通乃得不可以粗解一二為是果其疾而正其名庶不誤投湯劑則何患病之不瘳矣

集證說

古之醫者有云外病自經絡入內病自五臟鬱發然當求所以證驗庶無差失如傷寒有陰陽表裏

陽證多語陰證無聲陽證則晝劇陰證則夜爭陽
證似陰糞黑而脈滑陰證似陽面赤而脈微矣身
重背疼煩悶狂言奔支咽痛身斑斑若錦文或下
利赤黃多因妄服燥藥熱味陽毒是也背強腹中
絞痛身如被杖燥渴嘔泄冷汗鄭聲多因脾胃虛
寒重感於寒陰毒明矣陰陽二厥若陽厥則指爪
時溫或畏熱或飲水或揚手擲足燥煩不得眠大
便秘小便赤外證多昏憤陰厥則指爪常冷足多
掌卧惡寒自引衣蓋覆不飲水或下利或清便如
常小便數外證惺惺而靜表證多惡寒不渴發熱
而身體痛裏證多渴只惡熱而喘滿口燥咽乾手
心腋下澌澌汗出大便鞭澀赤譫語復有傷寒初

證發熱惡寒無汗其色悽慘復見風則多寒手足
微厥發熱下利手足溫煖者生手足厥逆灸不溫
證之極矣中寒則口噤四肢強直失音不語或卒
然暈倒吐逆涎沫手足掌搐狀如暗風或復燥熱
傷風有汗惡風面色光而不慘復見寒手足微溫
發熱多煩其或中者半身不遂手足癱瘓涎潮昏
塞口眼喎斜肌膚麻痺歸於六腑者特為偏緩猶
可苟延歲月歸於五臟者眼閉口開手散聲如鼾
睡遺尿惡證迭出朝不及夕傷暑身熱惡寒頭痛
或煩而渴眩暈背寒面垢或嘔或泄其中入心使
人噎悶昏不知人入肝則眩暈頑痺入脾則昏睡
不覺入肺則喘滿痿躄入腎則消渴利小便至於

傷濕身重關節重疼發熱惡寒大便泄而小便澀
腰脚冷而腿膝浮或自利不渴若氣不平中之亦
使人半身不遂口眼喎斜涎潮昏塞又如七情喜
傷心者不可疾行不可久立怒傷肝者上氣不可
忍熱來盪心短氣欲絕不得息憂傷肺者心系急
上焦閉榮衛不通夜卧不安思傷脾者氣留不行
積聚中脘不得飲食腹脹滿四肢怠惰悲傷心胞
者善忘不識人置物在處還取不得筋挛四肢浮
腫恐傷腎者上焦氣閉不行下焦回還不散猶豫
不決嘔逆惡心驚傷膽者神無所歸慮無所定說
物不意而迫凡此七者證雖不同本乎一氣臟氣
不行鬱而不舒結成痰涎隨氣積聚堅大如塊在

心腹間或塞咽喉如粉絮梅核樣咯不出嚥不下
每發欲絕逆害飲食若諸虛損證則眩暈眼花鼻
多清涕漩濁遺精冷滑洞泄水穀不化洒淅自汗
嘔吐清痰皆陽虛陰盛也諸實熱則五臟積熱口
苦咽乾唇裂生瘡腸胃乾澀煩燥喜冷涎唾稠實
眵淚眼赤或遍體癰瘍至於總說則痰瘧證惟多
先寒後熱名寒瘧先熱後寒名溫瘧但熱不寒名
暑瘧寒熱身重煩疼脹滿名濕瘧寒多不熱名牝
瘧若一日一發則易愈二日一發猶可三日一發
則難痊且斯疾俗在忌醫之列然得其所因何忌
其難時疫證雜發熱腰痛強急脚縮不伸肘中欲
折目中生花或瀉瀉增寒復熱名曰溫疫身軀顫

掉不能自禁或肉熱口乾舌破咽塞聲嘶名曰燥
疫頭重頸直皮肉強痺或蘊而結核起於咽喉頸
項之側布熱毒於皮膚分肉之中名曰寒疫乍寒
乍熱損肺傷氣暴嗽嘔逆或體熱發斑喘咳引氣
名曰濕疫四時之感其證百端皆當因其時而詳
辨則得之喘急為患吐痰續續則生自汗謔語目
直視則亡失血諸證有暴吐鼻衄泄出或一二升
至斗餘者因感四氣流傳經絡陰陽相勝或怒氣
傷肝風入腸胃故血得寒則凝泣得熱則淖溢各
隨臟腑經絡湧溢凝停胃胃因即滿悶或吐或衄
或泄下復有咳嗽中見紅絲者為難愈無故忽然
瀉下黑血名心絕癆瘵之證得之者多諱而未肯

求醫殊不知其根有虫嚙其心肺可不深憂中蠱
毒之候令人心腹絞痛如物嚙狀吐下血如爛肉
若欲驗其證狀先令病人唾於水中若沉即其實
矣瘡渴與漩濁為隣慎莫作疽瘡等證鮮有安之
日矣至於下痢身涼能食小便通易安體熱多汗
渴甚小便不利或手足厥冷灸不溫無微喘不食
者死二便秘澁之證暫秘小漩還有點滴利者易
愈若秘日久膨上心胸切痛氣促身冷面色黑前
後俱無名曰氣實轉眄而殂脹滿得之未久或脹
或消腹皮稍軟不泄不喘隨治隨瘥若臍心突起
利後復脹急久病羸乏喘息不得安名曰脾腎俱
敗無有愈期腫滿善證男從上腫下女從下腫上

所患未久利漩退腫定喘則愈矣若證不善則手足盤骨腫臍與掌心俱凸咳嗽失聲青筋紋橫肚上及爪甲青卒腫頭面蒼黑嘔吐頭重豈復能救霍亂一證猶為卒暴之最蓋人之起居無常攝調不善揮霍之至便至變亂悶絕不救甚為可畏臨深履薄縱蹈虎尾不足以諭其危其如厲風名大風惡疾故其色敗鞍裂瘍潰眉面白皮如蛇蛻久則鼻梁闌壞又名風癩十無一生若癥瘕之為病癥者堅也堅則難破瘕者假也假物成形能動者是至於蛟龍蛇鱉肉髮蟲米之證初非定名偶因食物相感而致斯患夢寐不祥多生恐怖為祟惑證矣吁內外之證其發萬端皆須細辨且頃刻之

變無定一有所作其可忽諸

集治說

嘗謂用藥如用刑一有所誤人命繫焉故書曰言之非艱行之惟艱如張仲景傷寒一百一十三方猶缺其一三百九十七法樓指未即周知蓋謂此也夫處方大法則有七方十劑七方者竒方耦方大方小方緩方急方複方十劑者宣通補瀉輕重澁滑燥濕然積學而用之則可矣傷寒之病太陽屬膀胱非發汗則不愈必用麻黃之類蓋其性能通陽氣却外寒也陽明屬胃非通泄不能愈須用大黃芒硝以利之少陽屬膽無出入道柴胡半夏能利能汗佐以黃芩則解矣太陰屬脾性惡寒濕

非乾姜白朮不能燥少陰屬腎性畏寒燥非附子不能溫厥陰屬肝藏血養筋非溫中之藥不能潤外此有汗下吐三法毫釐不可差誤經云桂枝下咽陽盛則斃承氣入胃陰盛以亡故在表宜汗在裏宜下在胸宜吐半表半裏宜和解表裏俱見隨證滲泄無表裏證則宜下之下利清穀身體痛急當救裏身體疼痛清便自調急當救表身熱不渴為表有熱清而煩悶為裏有熱傷寒見風大青龍湯為治之最陽毒內外結熱輕則白虎湯重則承氣湯之屬陽厥亦用舌卷焦黑鼻中如煙煤非水漬法不可陰毒疾勢困重面黑四肢厥冷則理中湯四逆湯投之未効則灼艾法惟良復以葱熨法

佐之陰厥同此法治之發熱下利白頭翁湯黃連阿膠圓最為的切中寒則急擗置煖室燃以薪火向之令通身煖透或置於熱炕上令有力人扶策仍以手附火或入懷令熱亟摩病人手足胸腹間續用薑附湯併服若猶未省則依上法灸傷風主治之法汗出惡風者當解其肌裏證雖具惡風未罷亦須先解其外也傷風見寒大青龍湯均為調理中風昏悶先須通關散探鼻令噴嚏次以蘇合香圓行其氣仍須分辨冷熱為治不可混濫五臟正中者迅雷不及掩耳手足偏中者但徐服順氣疎風豁痰等藥不宜用大風藥急治則不得盡其天年其有牙關緊閉亦用通關散搐鼻噴嚏即開

矣傷暑者暑氣耗血消氣生痰速用解暑之劑仍
啜熱湯得汗即甦若中之者急扶在陰涼處不可
與冷當以布巾衣物蘸熱湯熨臍中及氣海以湯
淋布上令透徹臍腹暖即漸醒矣如倉卒無湯處
則搗道上熱土置臍上以多為佳冷即易之古法
道途無湯即搗熱土於臍中仍撥開作窩令人溺
其中以代湯淋續與鮮暑毒藥併急嚼生薑一大
塊冷水送下如已迷悶則嚼大蒜一二瓣冷水送
下如不能嚼即用水研灌之立甦但遇無湯處則
嚼生葱二寸許津嚥下可抵飲水二升傷濕中濕
只宜利小便忌不得以火攻并轉利之若濕家下
之額上汗出微喘小便不利者死下利不止者亦

死治濕不利小便非其治也七情之患惟當利氣
豁痰寬中進食仍須怡養以溫平之藥調之如宿
血滯氣停凝結為癥瘕腹中坯塊堅硬作楚當以
破氣藥伐之或以類相從如敗梳治蟲瘕銅屑治
罷瘕麩藥治米瘕石灰治髮瘕等類所謂醫者意
也氣積膨痛至甚或有熱痞結聚須宣泄之虛損
為治宜大作湯劑峻補者烏附天雄薑桂之屬不
可無潤補者鹿茸當歸菴蓉之類安可缺清補則
天門冬麥門冬人參地黃之類宜用也至於諸熱
為治有泛熱有實熱泛熱者荆芥薄荷梔子黃芩
等投之正其所宜實熱者非大黃芒硝則不能効
若夫總說為治之備要如南北風土之殊人物厚

薄之異北方土厚水深水性沉下人體多實而少
虛且所食無非肉麩寒則衣重裘坐煖炕若有所
治則宜多以清涼之劑如南方用大黃巴豆之屬
其分兩皆當倍而用之或用水漬法或尋甜水一
二甌飲之即甦間有所稟稍弱不自保惜勞役致
虛則亦但當潤補之無有不愈南方屬火火性輕
炎人體多虛而少實况所食不過蔬食而已必須
投以溫和之藥以調之其有習尚北方之風置酒
終日非至醉不已燒燂肥鮮恣其厭飫偶有所患
亦須以平昔所稟施以涼劑然虛者亦不可妄施
痰癘熱多者投以半冷半熱解散分陰陽減寒熱
之劑度其所作之日先一時進以抵截之藥去其

痰水則收效矣寒多者投以半生半熟壯脾進食
之劑次以抵截之藥則痰癘去而疾愈矣猶須令
其戒慎飲食謹起居則無復攻之患若久瘧而復
作虛浮不食者未之有瘵時疫之治須以時斟酌
不可偏執治之者須辨其所因而投之以藥不可
以日滿自差遂至在亡良可大息至於病愈必須
湯食競進折其毒勢不可令病氣攻人則屏息矣
或有云斯疾之召或溝渠不泄穢惡不修薰蒸而
成者或地多死氣鬱發而成者或官吏在抑怨讟
而成之者可於州治六合處穿地深至三尺闊亦
如之取淨沙三斛實之以醇酒三升沃其上俾使
君祝之斯亦消除疫癘之良術故併記之喘急虛

者升降鎮墜熱者清心涼肺未有不愈下痢感於
四氣者先須隨其所感解散分利陰陽次須辨其
冷熱手足和煖則為陽中和之劑可用手足厥冷
則為陰溫燥之藥可行無不切效大法虛者補之
實者瀉之滑者澀之閉者通之有積者推之熱則
涼之冷則溫之冷熱不調者平之失血明其所因
辨其冷熱如血下鮮紅則治以清和純下瘀色則
當溫養二便秘則須潤滑以行之脹滿則須正氣
以虛實平治之腫滿實者利水虛者壯脾元兼用
消浮等劑自有奇效仍須戒鹹斷慾庶不再復霍
亂須明辨虛實所因亟治無遲遲則殞命至於乾
霍亂則猶為難治也三瘡治法滋腎為主抑心火

兼之然須多服湯圓俾水升火降而引飲無度莫
之見矣真心痛者手足青至節不在治療之數真
頭痛者上穿風府陷入泥丸非藥能愈金瘡主治
備見後科用藥之工誠可嘉嘆中蠱毒之法以敗
鼓皮燒灰為末飲服一匕則病人自呼蠱家姓名
可語令呼喚將去則愈矣瘵疾一染人當其未深
入之時則宜先取其虫不爾則損於心肺蓋心主
血肺主氣人身舍氣血之本其能生乎取虫而後
相忘世慮和以潤養藥食庶幾可瘳傷晚則不及
也魘寐產乳自縊壓溺諸暴絕須平時熟記後所
載治法併產蓐一科臨用庶不倉惶應驗在頃刻
間不然則世無良醫枉死者半是也厲風初發則

宜宣泄風毒去而病漸愈矣久之惟當幽隱林泉
依法亟治庶乎可愈不惟愈疾亦或可因此而至
仙道矣或為崇害若移精竅氣祝由不可則宜外
尋禁避厭禳法以除之外此病有六不治驕恣不
論於理一不治也輕身重財二不治也衣食不能
適三不治也陰陽并臟氣不定四不治也形羸不
能服藥五不治也信巫不信醫六不治也生候尚
存形色不改病未深入腠裏針藥及時能將息調
理委以良醫病無不愈至於五味亦可對治五臟
之病肝酸心苦脾甘肺辛腎鹹用之中病則止過
則酸走筋鹹走血辛走氣苦走骨甘走肉則無益
矣又如以所宜而治者肺燥咳嗽嚼芝麻啗油餅

瘡疾脾冷糟鯉魚糟葦瓜久冷荆野鷄餛飩等類
是也瓜果亦可隨冷熱施之愈疾必矣若夫炮製
之法又當以相須相合相反相惡相須者以桂得
葱而軟相合者磁石引針相反者大戟芫花等反
甘草之類也相惡者如牛黃忌龍骨是也且方中
各有避忌此亦舉其略或以甘草擊起芫花之性
而用者猶在斟酌更須甄別藥味新陳選擇州土
所生採取時月分君臣佐使俾分兩無差炙煨炮
燼精虔不苟斯為治之善矣其有自恃已長不肯
訪問以意臆度攻寒以寒療熱以熱妄施一匕邀
為已功偶或中之實非的見不過僥倖於萬一其
或不中則十手所指十目所視所謂一甌之藥誤

入於咽五臟俱裂生可再復可不戒之况醫者人之司命有病急召慎勿以遠近寒暑而拒之若至病家尤須敬謹勿為他務以敗正事給藥亦量其多寡表汗宜四吐下宜一加二極矣補藥愈多愈効餘則隨證為之輕重明批湯引病若未瘳囑其再來庶病可瘳而治有方矣僕少而學之長而行之所謂治病之道盡在是矣古云凡曰治病推其所因生死預定方為醫人敬之

傷寒

撮要

發汗法凡發汗欲令手足俱周濺濺然一時許為佳不欲如水淋漓服湯中病即已不必盡劑然發汗須如常覆腰以上厚衣覆腰以下蓋腰以上淋漓而腰以下至足心微潤病終不解凡發汗病證仍在者三日內可二三汗之令腰脚間周遍為度

轉下法凡轉下須體認得合下之證明白在陽明胃經則不拘日數過時失下則氣血不通四肢便厥不識返疑是陰厥復進熱藥禍如反掌若少陰腎經太陰脾經下證悉具湯已更衣者止

不須盡劑陽明病得利差慎不中服補藥熱氣得補復成更復下之是重困也宜消息安養之取吐法凡取吐服吐藥後不大吐則當以手指搯之便吐矣不吐稍增藥以吐為度若吐少病不除明日再服吐藥可至再三但虛人宜少吐藥力過時不吐者啜熱湯一升以助藥力不必盡劑吐訖便可食無復餘毒若服藥過多者飲水解之

水漬法以疊布數重新水漬之稍揆去水搭於胃上須更蒸熱又漬令冷如前用之仍數易新水日數十易熱甚者置病人於水中熱勢纔退則已亦良法也

葱熨法以葱一束以索纏如餅餡大去根葉惟存白三寸許先以火煨一面令通熱勿至灼人乃以熱處著病人臍下以上熨斗盛火熨之令葱餅熱氣透入腹中更作三四餅遇一餅壞不可熨則易一餅候病人醒手足溫有汗乃止

蒸法以薪火燒地良久掃除去火可以水洒之取蠶沙栝葉桃葉獐麩皆可相和鋪燒地上可側手厚上鋪草蓆令病人當上卧溫覆之夏月熱只布單覆之汗移時立至俟周身至脚心自汗熱熱乃用溫粉撲止汗移上床最得力者蠶沙桃葉栝葉也無蠶沙亦得單挑單栝葉亦得蒲藿葉亦可用麩獐乃助添令隨多少不用亦

得此極急則可如治病得愈明年斯時慎莫再作再作或不治矣

凡煎煮藥之法須用銀石器微火熟煮不可太猛表汗下之藥每服煎至八分對病藥煎至七分滋補藥煎至六分不可極乾亦不可益火驟乾恐傷藥力去滓服後留滓再煎

陽證

麻黃湯治足太陽膀胱經發熱頭痛身疼惡風無汗而喘陽明合病喘而胸滿太陽病八九日不解以此發汗必衄乃解及治不得汗發衄陽明脈浮無汗而喘宜服脈但浮無餘證者與服若不溺腹滿加噦者不治

麻黃

三兩去節

桂枝

二兩

甘草

一兩

杏仁

七十箇去皮尖

右剉散每服五錢水盞半煎八分去滓食前服覆取微汗夏至後加知母半兩石膏一兩黃芩一分或汗出後無大熱而喘者去桂加石膏一兩春冬只依正方

升麻葛根湯治傷寒時疫頭痛增寒壯熱肢體痛發熱惡寒鼻乾不得睡小兒大人瘡疹已發未發皆可服兼治寒暄不時人多疾疫乍暖脫衣及暴熱之次忽變陰寒身軀疼痛頭重如石及解傷酒膈熱口瘡咽疼

升麻

白芍藥

甘草

各一兩

葛根

二兩

右剉散每服四錢水一盞半不拘時潮熱頭痛

生薑三片葱白二根煎咳嗽涎盛生薑三片桑
 白皮七寸煎上膈熱薄荷黃芩各少許煎斑瘡
 未出加紫草楂根各半錢葱白二根煎挾熱酒
 後傷風感寒痰盛氣促金沸草散後方見合和生
 薑三片薄荷七葉桑白皮七寸烏梅一箇煎小
 兒量度多少老人加人參倍白芍藥各五錢大
 段寒即熱服熱即溫服近人以藥性寒涼不肯
 輕服然治證相對服之
 何妨
 金沸草散治風壅痰盛頭目昏痛頸項強急往來
 寒熱肢體煩疼胸膈滿悶痰涎不利咳嗽喘滿涕
 唾稠粘時行寒疫壯熱惡風有寒邪則汗出風盛
 則鮮利

金沸草去根

前胡

麻黃去根節

甘草

半夏湯洗七次

赤芍藥各一兩

荆芥穗四兩

右劉散每服三錢水一盞半入生薑三片桑白
 皮七寸烏梅一箇煎頭疼抽葉半皮牙疼熟煎
 灌嗽諸風及大腑風秘左脇刺痛每料加枳殼
 一兩去穰風熱結在臟腑煩燥氣壅腹痛大便
 秘以葱白研爛微火炒過布巾盛熨臍後加大
 黃朴消薄荷各五錢服速効諸風發散並用姪
 婦傷寒頭痛旋疼肚熱心燥加白朮人參黃芩
 生石膏各一兩熱嗽加甜葶藶馬兜鈴薄荷生
 桑白皮各半兩烏梅四錢仍就吞半夏口後方見
 後咳

類 嗽 咽喉焦燥加朴消五錢食後服

小柴胡湯治傷寒四五日寒熱胸脇滿痛默默不欲食心煩或嘔渴或腹痛或脇下痞鞭或心下悸小便不利或不渴身有微熱或咳或過經未解潮熱未除半表半裏非汗非下之證瘥後勞復昏熱婦人傷風經水適斷此為熱入血室故便如瘡狀產後傷寒頭疼發熱小兒寒熱亦治之

柴胡

二兩 去芦

半夏

湯洗七次六錢

黃芩

人參

去芦

粉草

各三分

右剉散每五錢水一盞半薑五片棗一枚煎至六分食前服腹痛去黃芩每料加芍藥三分心下悸小便不利去黃芩加茯苓一兩不渴外寒

裏熱去人參加桂三分溫服覆取微汗愈咳嗽加五味子潤者三錢胸中煩加枳實五錢渴加人參括萐各五錢脇下痞鞭去棗加煨牡蠣粉枳實各五錢過經不解日晡發熱已而微利加芒消五錢引飲有汗加茯苓桂枝各五錢身熱臟腑微溇加厚朴五錢煩熱每服加白茅根二根白竹青一塊如大指頭大麥門冬半錢熱腹疼加白竹葉七皮赤芍藥枳殼各一錢鼻衄加生地黃二錢白茅花一握痰盛或喘加桑白皮七寸烏梅一箇煎服裏熱外寒加桂半錢大柴胡湯治傷寒十餘日邪氣結在裏寒熱往來大便秘澀腹滿脹痛語言謔妄心中痞鞭飲食不

下或心下急鬱鬱微煩或口生白胎或不大便五六日繞臍刺痛時發煩燥及汗後如瘧日晚發熱或發熱汗出或六七日目中不了了睛不視無表裏證身微熱者裏實也兼臟腑實脈有力者可服之輕則柴胡重則承氣

枳實

去穢炙半兩

柴胡

去毛半斤

大黃

二兩

赤芍藥

黃芩

去心各三兩

半夏

湯洗七次二兩半

右五味剉散入半夏拌勻每服三大錢水一盃半入生薑三片紅棗一枚或加苦竹葉十皮煎至一中盃去滓溫服食後臨睡服大熱用苦竹瀝一合此藥治傷寒內熱裏實若身體疼痛表證未解不可服之春合溫而清涼夏發燥疫此

方妙

小承氣湯治傷寒日深恐有燥屎腹中轉失氣乃可攻之不轉失氣者必初硬後溏未可攻之攻之則腹滿不能食飲水而噦其後熱大便復硬若腹大滿不通或陽明多汗津液外出腸胃燥熱大便必硬而謔語脈滑吐下微煩小便數大便結或下利謔語自得病二三日脈弱無太陽證柴胡證煩燥心下結至四五日雖能食少少與承氣湯和之令少安

大黃

四兩

厚朴

去麩皮炙二兩

枳實

炙去穢五錢

右剉散每服五錢水二盃煎至八分去滓溫服以利為度未利再服

大承氣湯治表裏俱熱病勢更甚者陽明脉遲汗出不惡寒反惡熱身重短氣狂語如見鬼狀劇者發則不識人循衣摸床惕而不安微喘直視陽明裏熱或吐下後不鮮大便五六日不利日晡潮熱心胃煩熱而懊憹復如瘧狀脉沉實或小便不利或腹滿實痛而渴脉實數而沉腸胃燥甚留飲不散胃腹高起痛不可忍但嘔冷液大渴反不能飲強飲不能止喘急悶者

大黃

四兩酒洗

芒消

三合

厚朴

半斤炙去麁皮

枳實

一兩炙

右剉散每服五錢水二盃先煮厚朴枳實至一盃餘下大黃煮取八分去滓入消再煎一沸溫

服以利為度未利再服

調胃承氣湯治諸發汗和鮮不惡寒但發熱蒸蒸然者或日深心下溫溫欲吐胸中痛大便溇腹滿鬱鬱微煩先此時吐下者或日深裏熱譫語法當下之以銀粉巴豆燥熱大毒圓藥下之致真陰損虛邪熱轉甚因而協熱下利不止及表裏熱下之太早乘虛而入不成結胸但為熱利不止心下滿鞭或痛煩渴咽乾脉滑數而實諸腹滿實痛者煩渴譫妄小便赤大便鞭脉滑實緊

大黃

芒消

甘草

各等分

右剉散每服五錢水二盃煎至六分去滓下消再煎一沸溫頓服之

三拗湯治感冒風寒鼻塞語音不出頭痛拘倦方見

咳類

敗毒散治傷寒時氣頭痛項強發熱惡寒肢體煩疼咳嗽鼻塞聲重風痰頭痛嘔噦寒熱

人參去芦 赤茯苓去皮 甘草

前胡去苗 川芎 羌活去芦

北柴胡去苗 枳殼去穢炒 獨活去苗

桔梗去芦已上

右到散每服四錢水一盃半生薑三片薄荷葉五皮同煎熱服不拘時候傷濕腰疼加白朮木瓜各等分脚痛加天麻一兩脚氣壅盛多熱赤腫加大黃炒蒼朮各等分不過一二服立愈瘟

疫傷寒頭痛目昏發熱增寒脚腰疼甚多風多痰多氣或處卑濕脚弱亦効傷寒鼻衄加白茅根生地黃各一兩瘡癩癰疹加蟬蛻十箇去足防風五錢癰疽初發赤腫寒熱用升麻葛根湯方見前合和加生地黃紅內消麥門冬去心各一半煎熱服立散尋常風寒濕氣流入經絡腰脚疼痛或痺弱五積散方見後對合加木瓜川牛膝去苗檳榔切碎各一半煎立効冬合寒而温煖春發温疫大效

陰證

治中湯治太陰傷寒手足温自利不渴腹滿時痛咽乾其脉尺寸俱沉細

人參

乾薑炮

白朮

甘草炙

陳皮

青皮各等

右剉散每服四錢水一盃半煎七分去滓食前服

五積散調中順氣除風冷化痰飲治脾胃宿冷腹脇脹滿胸膈停痰嘔逆惡心或外感風寒內傷生冷心腹痞悶頭目昏暈肩背拘急肢體怠惰寒熱往來飲食不進及婦人血氣不調心腹撮痛經候不調或閉不通及口中冷背心惡寒並宜服之除麻黃又名異功散

白芷一兩

陳皮

厚朴

桔梗去芦

枳殼

川芎

甘草炙

白茯苓

去皮各一兩半

蒼朮十二兩

去皮切炒赤

當歸

去芦尾一兩半

麻黃三兩

去根節

乾薑

燼二兩

半夏一兩

湯洗七次

肉桂

去麋皮一兩半

右除白芷肉桂二味為散另入外一十三味同為剉散慢火炒令色轉攤冷次入肉桂白芷令勻每服三錢水一盃半生薑三片煎至一中盃去滓稍熱服如冷氣奔衝心脇臍腹脹滿刺痛反胃嘔吐泄利清穀及痞癥瘕膀胱小腸氣痛即入煨生薑三片鹽少許同煎如傷寒時疫頭痛體疼惡風發熱項背強痛入葱白三寸豉七粒同煎若但覺惡寒或身不甚熱肢體拘急

手足厥冷即入炒茱萸七粒鹽少許同煎如寒熱不調咳嗽喘滿入棗二枚煎風寒濕氣交互頸項彊直或半身偏疼或復麻痺及卒中風重者多加麝香末寒濕腰痛每服加桃仁七枚去皮尖滿身疼加白膠香太陰經傷寒手足逆冷或積聚腹痛及虛汗不止脉細疾面青嘔吐加熟附子數片炒茴香一捻冷氣煨薑三片鹽少許煎婦人經候不調或腹中血塊加酸米醋一合難產亦加米醋一合脚氣冷者每服加茱萸十粒木瓜三片大便秘加大黃二錢脚氣下疰愀然赤腫增寒壯熱亦加大黃一錢利之久虛脾泄傷食腹痛冷瀉不止每用略炒過加陳米

一撮烏梅一箇煎名和氣散特效心腹膨脹不食亦效乳癰初作加川牛膝生地黃各二根產後或尋常血氣痛並加木香玄胡索半錢醋炒陳艾葉七皮烏藥半錢婦人體虛脚疼加生川烏去皮臍切四片麝香少許夏合熱寒氣折之秋發寒疫大効

人參養胃湯治外感風寒內傷生冷增寒壯熱頭目昏疼肢體拘急不問風寒二證均可治療須令澌澌微汗自然解散若先有汗則溫服不須更汗兼治飲食傷脾或外感風寒濕氣發為痰瘡及山嵐瘴疫常服尤佳

厚朴

去麩皮切薑汁拌炒乾

蒼朮

米泔浸切炒黃色

半夏湯洗七次

白茯苓去皮

甘草二錢

人參去芦

草果煨去

藿香去土各

橘紅去白七

右剉散每服三錢水一盃半生薑三片紅棗二

枚煎空心熱服虛寒加炮附子數片體虛寒瘧

加肉桂炮附子各一錢重無紅圓子每服三十

五粒方見後

藿香正氣散治傷寒頭疼增寒作熱上喘咳嗽五

勞七傷八般風痰五般膈氣心腹冷痛反胃嘔惡

氣瀉霍亂臟腑虛鳴山嵐瘴癘徧身虛腫婦人產

前產後血氣刺痛小兒疳傷並宜服之

大腹皮洗一

藿香洗去土

厚朴

去麤皮切薑汁拌炒

白朮去芦各

陳皮去白

白芷一兩

苦梗去芦

白茯苓去皮

甘草炙二

半夏湯洗七次

紫蘇去土各

右剉散每服三錢水一盃半生薑三片紅棗一

枚同煎熱服如欲出汗加葱白二根以衣被蓋

再煎服冷嗽喘滿每服加人參一錢鹽梅一箇

杏仁七粒去皮尖北五味子十粒就吞青州白

圓子三十五粒效氣促氣壅加人參一錢沉香

半錢心腹痛加木香半錢玄胡索七粒切碎嘔

惡甚加生薑五片木瓜二片痰嘔加烏梅一箇

寒濕腰痛腹心膨滿加生薑三片木瓜二片蒼

朮切炒枳殼煨去穰切各半錢檳榔半箇切片

一方治憂怒鬱氣流走遍體刺痛緊滿加木香一錢縮砂五粒名增減(順氣木香散)

四逆湯治陰證傷寒自利不渴嘔噦不止吐利俱作小便或澁或利脉微欲絕汗出過多腹痛脹滿手足厥冷或欬或悸內寒外熱下利清穀四肢沉重汗出熱不去者一切虛寒厥冷傷寒病在表誤下藥下利不止雖覺頭疼體痛發熱惡寒四肢拘急表證悉具未可攻表先服此藥助陽救裏少陰病背惡寒口燥咽乾此主之

甘草 一兩

乾薑 二兩

附子

大者一枚生用去皮脐

右剉散每服四錢水一盃半煎六分去滓溫服服此藥利止而無血者加人參半兩面赤加連

根葱白九莖臨煎熟旋入腹痛去葱白加芍藥二兩嘔者加生薑二兩咽痛去芍藥加苦梗一兩利止脉不出者去苦梗加人參二兩霍亂吐瀉後亦宜服此大汗出熱不去內拘急四肢疼下利厥逆惡寒大下利厥冷者主之四逆散治少陰病四逆其人或欬或悸或小便不利或腹中痛或泄利下重者此主之

甘草 炙

柴胡

枳殼

去白穢炒黃

芍藥 各一兩

右為末米飲調下二錢日三服欬者加五味子乾薑各半兩下利悸者加桂半兩小便不利者加茯苓半兩腹中痛者加附子半枚炮裂泄利

下重先濃煎薤白湯內藥末三錢匕再煮一二沸溫服

順元散此藥能溫內外感寒脈遲細沉伏手足冷毛髮戰慄傷寒裏證大嘔數極手足溫汗出乃愈治氣亦効通血脉和一切氣無出此藥冒風濕手足緩弱不能動轉倒頭須數人扶策三服後次日能步履脫然方見後風科虛証類三建湯方見痛類脈微身軀冷重自汗嘔吐加丁香胡椒各半兩瓜蒂散治手足厥冷脈乍緊邪結在胸中心中滿而煩飢不能食病在胸中當須吐之方見後茯苓甘草湯治厥而心下悸宜先治水却治厥不

爾水漬入胃必作利

茯苓

桂枝各二兩

生薑三兩

甘草一兩各細切

右四味以水四升煮取二升去滓溫分三服麻黃升麻湯治傷寒六七日大下後寸脈沉而遲手足厥逆下部脈不至咽喉不利唾膿血泄利不止為難治此方主之

麻黃二兩

升麻一分兩

當歸一分兩

知母

黃芩

萎蕤各十銖

石膏

白朮

乾薑

芍藥

天門冬去心

桂枝

茯苓

甘草各六銖細剉

右十四味以水一斗先煮麻黃一兩沸去上沫
內諸藥煮去三升去滓分溫三服相去如三斗
炊米頃令盡汗出愈

灸法治陰證傷寒於臍下一寸半氣海穴二七壯
小作艾炷於臍心以鹽填實灸七壯立効二寸丹
田三寸關元皆可灸

和鮮

香蘇散一方加沉香名沉香飲子治四時傷寒傷
風傷濕傷食大人小兒皆可服

香附子

五兩
去毛

紫蘇

去根三
兩半

陳皮

二兩

甘草

兩

蒼朮

二兩切片
米泔浸炒黃

右劉散每服四錢水盞半生薑三片葱白二根

煎不拘時候得汗為妙頭痛加川芎白芷北細
辛荆芥穗每服各半錢咳嗽聲重痰多涕稠加
半夏苦梗烏梅各半錢桑白皮七寸心疼加石
菖蒲半夏各半錢泄瀉木瓜藿香各半錢傷濕
自汗時行暴瀉生薑三片車前子一撮或用香
附子陳皮各一兩以石盞滴酒炒黃色為散煎
熱服感寒濕日久腰脚疼行步難酒煎服或濕
氣久留脾疼身體與手足倦怠腹脹滿或有氣
上衝有類虛損實非虛損此主之食積腹痛泄
瀉葱白二根烏梅一箇併吞服盧氏感應回菜
豆大三七粒方見諸
積類脚氣每服檳榔木瓜大腹皮
枳殼木香各少許鹽酒水煎空心服感風宿食

不化潮寒腹痛作瀉惡風四肢拘急生薑三片
烏梅一箇葱白二根就服盧氏感應口瘡疾挑
柳枝七寸薤白二箇頭痛作惡加鹽少許男女
冷氣加萊萁一撮食鹽少許婦人血氣加菘朮
苗香烏藥當歸所加量病人虛實增減除香附
子紫蘇加厚朴桔梗藁本各四兩名和鮮散乃
平和之劑隨病用之○管見大全良方芎芷香
蘇散治四時溫疫傷寒發熱頭痛項強百節痠
疼又療傷風咳嗽聲重鼻流清涕腰背拘急陰
陽未分並皆治之香附子炒去毛紫蘇各三兩陳皮
去白川芎白芷各二兩甘草炙右咬咀每服三錢
重水一大盞薑三片棗一枚煎至七分去滓無

時熱服

香葛湯治四時感冒不正之氣頭痛身疼項強寒
熱嘔惡痰嗽腹痛泄瀉不問陰陽兩感或風寒濕
瘴服之大效

紫蘇去根

白芍藥 香附子炒去毛

川升麻

白乾葛 薄陳皮各一兩

白芷

大川芎各半兩

蒼朮米泔浸切炒

大甘草半兩

右剉散每服四大錢水一盞半生薑三片煎熱
服不拘時候如發熱無汗遍體疼痛加葱白二
根豆豉七粒煎熱服得汗即解嘔去蒼朮加白
朮數片藿香數葉中脘脹滿大便秘加枳實擯

榔各半錢有痰加半夏半錢咳嗽加五味子七粒鼻塞加桑白皮三寸腹痛加枳殼半片去穢切泄瀉加木瓜二片老人產婦嬰兒皆可服如傷寒不分表裏以此藥導引經絡不致妄動其功非淺如熱多口渴心煩臟腑堅或加前胡無汗可加麻黃汗太過加麻黃根時行寒濕泄瀉頭疼發熱自汗大效

參蘇飲治一切發熱頭疼體痛服之皆效不必拘其所因小兒室女尤得其宜用藥致和而且平故也痰飲停積中脘閉塞眩暈嘈煩忪悸憤懼嘔逆不食有如氣隔痰氣停滯關節不利手足躡曳筋脉挛急類乎中風食已即吐發熱頭痛百節煩疼

狀似傷寒但連日頻進此藥以病退為期不可預止蓋本方乃集二陳湯半夏茯苓湯枳實半夏湯也

人參 去芦

白茯苓 去皮

紫蘇葉

半夏 湯洗七次

乾葛 去皮

前胡 去芦各七錢半

枳殼 去穢炒

陳皮 去白

桔梗 去芦

粉草 炙各半兩

右剉散每服四錢水一盞半生薑三片紅棗二枚同煎熱服不拘時候發熱頭疼每服加川芎半錢葱白二根咳嗽加五味子七粒桑白皮七寸煩燥麥門冬二十七粒去心痰嘔口燥咽乾烏梅一箇男子婦人虛勞發熱加麥門冬二十粒

去心氣盛或氣虛人痰氣上壅咽喉不利哮喘
有聲氣息短急上盛下虛加木瓜半錢北五味
子五粒乾桑白皮七寸尋常感冒風寒鼻塞流
清涕頭目昏重加川芎白芷各一錢葱白二莖
疝氣初發必先增寒壯熱甚者嘔逆惡心每用
此藥加木香半錢寒熱必退腹痛加枳芍藥一
錢

冲和散治寒温不節將理失宜乍煖脫衣甚熱飲
冷坐卧當風居處暴露風雨行路衝冒霜冷凌晨
早起呼吸冷氣久晴暴煖忽變陰寒久雨積寒致
生陰湿如此之候皆為邪厲侵傷肌膚入于腠理
使人身軀沉重肢節酸疼項背拘急頭目不清鼻
塞聲重伸欠淚出氣壅上盛咽渴不利胷膈凝滯
飲食不入凡此之證若不便行解利伏留經絡傳
變不已

蒼朮

六兩

荆芥穗

二兩

甘草

錢一兩

一

右剉散每服三錢水一盞半煎至八分去滓熱
服不拘時候并滓再煎纔覺傷寒及覺勞倦亦
須服之不問虛實老幼悉皆治之
小柴胡湯為用最多而諸家屢稱述之蓋以柴胡
半夏能利能汗凡半表半裏之間以之和解皆可
用也抑不知小柴胡非特為表裏和解設其於解
血熱消惡血誠有功焉蓋傷寒發熱一二日間解
散不去其熱必至於傷血不問男女皆然此藥內

有黃芩柴胡最行血熱所以屢獲奇功但藥性差
寒用之貴能加減今推明治法凡表發熱裏又有
燥渴糞鞭熱證者是為內外俱熱小柴胡加大黃
裏無熱證但發熱有表者小柴胡加桂枝主解表
可以溫血所謂陰盛惡寒甘辛發散者此也次黃
主攻裏可以蕩滌血熱所謂陽盛內熱酸苦湧泄
者此也是又別其解表以溫攻裏以寒之義若遇
少陽本證及無表裏證或表裏不分之證但依本
方用之並不須加減此為正訣虛者少與尤在酌
量治療傷寒輒用當歸其意蓋為調血既不思一
滯中脘二佐痰飲三泥胃氣而血熱又非當歸之
所能除惑之甚矣否則熱入血室張氏特以小柴

胡主之何哉雖然均是和解耳局方以和解散平
穩之劑為和解張氏以小柴胡差寒之劑為和解
意安在哉蓋局方和解散為尋常感冒和平解散
設也若夫熱在半表半裏既不可汗又不可下非
小柴胡一劑孰能內和而外解之乎淋家衄血家
法不可汗亦可以此和解然而學者僅以小柴胡
收效不遵格法輕用大柴胡立意一差禍不旋踵
吁可畏哉又令人但聞小柴胡之藥多見棄而不
服殊不知陰證似陽浮熱於外用之則誤人多矣
的是陽證或半表半裏用之無不伐病所愧者醫
之不審陰陽致使病家之惑聞者但當責之於醫
不當輕議於藥

方見前

神木散治四時瘟疫頭痛項強發熱增寒身體疼痛傷寒鼻塞聲重欬頭昏並皆治之

藁本去土羌活去蘆甘草炙香白芷

細辛去葉及土川芎各一兩蒼朮五兩米泔浸一宿切炒

右剉散每服一錢水一盞生薑三片葱白三寸煎七分溫服不拘時候傷風鼻塞為末葱白茶

清調下

二香散治四時感冒冷濕寒暑嘔惡泄利腹痛瘴氣飲冷當風頭疼身熱傷食不化

紫蘇 陳皮 蒼朮各一兩香薷去根二兩

香附子二兩半炒去毛厚朴去麋皮薑汁拌炒

甘草 扁豆各一兩

右剉散每服四錢水盞半生薑三片木瓜二片

葱白二根煎熱服外感腫滿先以此多加車前

子木瓜煎效

相類

痰證金沸草散治增寒發熱惡風自汗寸口脈浮

胸膈痞滿氣上衝咽不得息頭不疼項不強方見前

大半夏湯治膈間有寒痰

半夏湯洗如法薄切焙乾白茯苓 生薑各一兩

右剉散水貳盞半煎至一盞去滓臨睡溫呷如

有熱痰加炙甘草一分脾胃不和去甘草入陳

橘皮壹分

瓜蒂散治曾有寒痰當吐之諸亡血虛家不可與

服

瓜蒂黃熱

赤小豆兩各半

右為末取一錢匕鼓一合湯七合煎去滓取汁和末頓服藥下咽便卧欲吐且忍良久不吐取三錢匕湯二合和服之立便吐倉卒無藥糟瓜頓喫亦吐

稀涎散治涎結胸膈作為寒熱飲食減少

猪牙皂角

圓白半夏各一兩

右剉散每服三錢水一盞半煎至七分去滓溫服入咽便吐去涎即愈

食積治中湯治頭疼脉數發熱惡寒滿身不痛左

手脉平和名食積方見前

虛人五積散人參養胃湯均可服方見前

重者香蘇散取五錢水一盞半煎去滓併吞服感

應圓二七粒未效再服感應口方見秘證類

虛煩竹葉石膏湯治惡寒身不痛頭不疼脉不緊

但煩熱名虛煩凡有熱不宜大攻之熱去則寒起

止宜服此上方見後

橘皮湯治動氣在下不可發汗發之反無汗心中

大煩骨節疼痛目暈惡寒食則反惡穀不得入宜

服此

橘皮半一兩

甘草兩各半

人參一分

竹茹半兩

右剉散每服五錢水一盞半薑三片棗一枚煎

食前服

溫膽湯治虛煩

方見雜病虛煩類

脚氣(加减小續)

命湯治身熱肢節痛頭疼大便秘或嘔逆但卒起

脚弱為異耳名脚氣

方見風科虛証類
餘諸方見脚氣類

通治(五積散)性溫(敗毒散)性涼凡人遇此感冒對

半雜和煎服名(交加散)亦多驗小小感冒因風雨

寒冷所襲猝然得之正氣未耗邪氣未深用此先

以助其正氣使益壯則邪氣自當屏散若倉卒藥

未能辨只以葱白連鬚數莖豆豉一捻生薑數片

水煎熱啜連進三兩盞亦能發散若邪氣已入經

絡反時行疫癘則須依經按法表裏汗下不可差

殊戒之

二方見前

雙解散治風寒暑濕飢飽勞役內外諸邪所傷無

問自汗汗後雜病但覺不快便可通解得愈小兒

生瘡疹使其出快亦能氣通宣而愈

益元散

方見中暑類三兩半

防風通聖散

方見風科熱證類三兩半

右一處和勻名雙解散每服三錢水一盞半生

薑三片葱白五寸豉二十粒煎至一盞溫服此

方此藥大效

麻黃桂枝湯治厥陰傷寒煩滿發熱惡寒往來如

瘧或囊縮其脉尺寸俱微緩者主之若脉沉短其

囊必縮急以承氣湯下之可保五死一生承氣湯

乃利陽明藥耳若病到厥陰其勢已甚蓋陽明養

宗筋為熱毒所攻乃以承氣湯瀉其能養故利陽以救陰此猶假虞以伐虢圍魏救趙之意也太陽病得之八九日如瘧狀發熱惡寒熱多寒少其人

不嘔清便自可一日三二度發脈微緩者為欲愈也脈微惡寒者此陰陽俱解也以其不能得少汗出身必瘥宜服

桂枝 四錢

芍藥

麻黃 去節

杏仁 十二箇 去皮尖

甘草 炙各半兩

右剉散每服五錢水一盞半入生薑三片紅棗

二枚煎八分去滓食前服

白虎湯治傷寒大汗出後表證已解心胸大煩渴欲飲水及吐或下後七八日邪毒不解熱結在裏

表裏俱熱時時惡風大渴舌上乾燥而煩欲飲水數升者宜服之又治夏月中暑毒汗出惡寒身熱而渴及治口中不仁背上惡寒效三陽合病腹滿身重面垢譫語遺溺並不可汗下但少與服之效

石膏 一斤

知母 六兩

甘草 二兩

右剉散每服三大錢水一盞半加入粳米五十餘粒同煎至一盞去渣溫服小兒量力少少與之或加人參少許同煎亦得食後服此藥立夏後立秋前可服春時及立秋後并亡血虛家並不可服不惡寒反惡熱大便不秘者亦服

大青龍湯治大陽中風傷寒脈緊發熱惡寒身疼不汗出而煩渴或脈浮緩身不疼但重乍有輕時

或傷寒見風脈傷風見寒脈榮衛俱傷煩燥則用
若脈微弱汗出惡風者不可服之服之則厥逆筋
惕肉瞤此為逆也

桂枝 去一兩皮

甘草 炙一兩

石膏 如半箇雞子大碎

杏仁 二十枚去皮尖

麻黃 三兩去黃汁焙乾秤

右剉散每服五錢水一盞半生薑四片棗子一

枚煎至八分去滓溫服取汗為度若汗周身潤

止後服未周身潤可停待相次服盡不欲汗汗

多恐亡陽故也若汗多不止用(溫粉)撲之 方見後

小青龍湯治傷寒表未解心下有水氣乾嘔發熱

而欬或渴或利或噎或小便不利小腹滿而喘者

麻黃 去節

細辛 去苗 乾薑 炮

甘草 炙

桂枝

芍藥 各三兩

半夏 湯去滑

五味子 各二兩半

右剉散每服五錢水二盞煎食前溫服虛噎去

麻黃加熟附子一錢小便不利小腹滿加茯苓

一錢喘加杏仁七枚去皮尖

溫粉凡發汗不欲多多則亡陽宜用此粉撲之即

愈神效

白朮

藁本

川芎

白芷

右為末一兩入米粉三兩均和撲之

真武湯治傷寒數日以後發熱腹疼頭目昏沉四

肢疼痛大便自利小便或利或澁或嘔或咳並宜

服之已經汗不解仍發熱者心下悸頭眩暈肉瞤

動振振欲躡地者此由渴後飲水停留中脘所致

白茯苓

白芍藥

白朮

各一兩

熟附子

炮一枚

右剉散每服四錢水一盞半生薑五片煎六分

食前溫服小便利者去茯苓大便利去芍藥加

乾薑二兩咳者加五味子三分細辛乾薑各一

兩嘔者去附子每服加生薑五片又云水飲內

蓄上乘於肺為喘為咳因水而咳病在陽明則

用小青龍湯主之病在陰此藥主之

桂枝二越婢湯太陽病發熱惡寒熱多寒少脈微

弱者此無陽也不可發汗宜服之

屬太陽

桂枝

芍藥

甘草

石膏

六錢

麻黃

半兩湯洗去黃汁焙乾

右剉散每用五錢水一盞半生薑四片棗子一

枚煎八分溫服

小建中湯治陽脈濇陰脈弦腹中急痛服此不差

者小柴胡湯主之

方見前

芍藥

三兩

甘草

炙一兩

桂枝

去麋皮一兩半

右剉散每服五錢水一盞半生薑三片棗子一

枚煎八分去滓下膠飴一兩許再煎化溫服兼

治熱多寒少尺脈遲榮氣不足血少故也加黃

耆一兩半尺脈尚遲再作一劑寒傷榮甚至於

弱倦昏沉

加一人參黃耆各一兩半效

梔子升麻散治晚發傷寒三月至夏為晚發

梔子十枚 升麻一兩

生地黄半斤

柴胡 石膏各二兩

右剉散每服五錢水一盞半煎八分頻服病不
解更作若頭面赤去石膏入乾葛二兩無地黄
以豉代之

解肌湯治傷寒溫病天行頭痛壯熱

葛根一兩 黃芩 芍藥各半兩 甘草炙半兩

右剉散每服五錢水一盞半棗子一枚煎八分
日三服三四日不解脈浮者宜重服發汗脈沉
實者宜下之

漢防己湯治風溫脈浮身重汗出

甘草炙 黃耆蜜炙各二兩 漢防己四兩

白朮三兩

右剉散每服五錢水一盞半生薑四片棗子一
枚煎一中盞飲訖乃坐被中汗出如虫行或被
卧取其汗

白虎加蒼朮湯治濕溫多汗

知母六兩 甘草炙三兩 石膏一斤
蒼朮三兩 粳米三兩

右剉散每服五錢水盞半煎至八分取六分清
汁溫服

葛根湯治傷風頭項強急身軀及張屬太陽經先
因傷風又感寒濕名瘧病外證發熱惡寒與傷寒

相似但其脉沉遲弦細項背反張強硬如發癩之
狀無汗惡寒名剛瘧有汗不惡寒名柔瘧此藥主
之方見後有汗桂枝湯加葛根方見傷寒類

小續命湯治剛柔二瘧有汗去麻黃加葛根方見風科

大承氣湯治剛瘧仰目胸滿口噤其人卧不着席
脚掌急咬齒與服得利則減極熱作瘧者難治方見前

敗毒散治剛瘧加防風天麻黃芩全蝎各五錢生
薑三片薄荷七葉煎方見前仍用(加味壽星圓)薑汁

竹瀝湯服累用有效方見風科通治類
附术散治傷寒手足逆冷筋脉拘急汗出不止項

強直搖頭口噤時發時止不食下瀉者難治

附子炮 白术各一兩 川芎三錢
獨活半兩 桂心二錢

右剉散每服三錢水一中盞棗子二箇煎至五
分温服不拘時候

附子防風散治傷寒柔瘧閉目合面手足厥冷筋
脉拘急出汗不止

白术 五味子 白茯苓
川芎 乾薑炮裂 甘草炙微

附子炮裂去皮臍 防風各二分 桂心半兩
柴胡去苗

右剉散每服三錢水一盃生薑四片煎至六分

去滓温服不拘時候

八物白朮散治傷寒柔痊三日不差手足厥冷筋脉拘急汗不出恐陰氣內傷

白朮

白茯苓

麻黃

去節湯

五味子

羌活

各半

良薑

一分

附子

炮去

桂心

各三

右散每服四錢水一盃薑四片煎至五分不拘

時温服

竹葉石膏湯治傷寒時氣表裏俱虛遍身發熱心胃煩悶得汗已解內無津液虛羸少氣胸中煩滿氣逆欲吐諸虛煩熱與傷寒相似但不惡寒身不疼頭不痛脉不緊數不可汗下宜服

石膏

一兩六錢研碎

半夏

二錢半湯

人參

二錢

麥門冬

五錢半

甘草

炙二錢

右剉散入石膏末停勻每服四錢水兩盃入青

竹葉生薑各五片煎至盃半入粳米一百餘粒

再煎米熟湯成去米温服不拘時候

附子細辛湯治少陰傷寒口中和而背惡寒反熱

倦急自汗而渴其脉尺寸俱沉而緊者

麻黃

去節

細辛

附子

各半兩炮

右剉散每服四錢水一盃半煎至七分去滓食

前服手足厥者去麻黃細辛加乾薑半兩甘草

一分或口燥舌乾而渴宜急下之

附子湯治少陰病得之一二日口中和背惡寒者

即當灸之少陰病身體痛手足寒骨節痛脉沉者並宜服之

茯苓

芍藥

各二兩半

人參

一兩

白朮 二兩

附子

一枚炮去皮

右散每服四錢水盃半煎至七分去滓温服日進三服

四逆湯治傷寒表裏俱病名兩感一日太陽與少陰俱病頭痛口乾咽滿而渴二日陽明與太陰俱病腹滿身熱不食譫語三日少陽與厥陰俱病耳聾囊縮而厥兩病俱作治有先後先宜救裏臟氣內正急宜攻表救內固宜急而表亦不可緩也救裏宜四逆湯身體疼痛清便自調急當救表宜桂

枝湯兩感傷寒古無治法惟證治論并活人書解仲景治有先後之說皆云治有先後者宜先救裏內纔温則可醫矣然後救表亦不可緩也以上所論並先救裏然後救表如下利不止身體疼痛則先救裏如不下利身體疼痛則先救表此亦謂之治有先後也兩感病亦有可活之理而不可必也

方見前

人參養胃湯

方見前

每用四錢生薑三片棗子二枚

煎吞服(來復丹)

方見前類

五十粒調和陰陽其病頓

瘳世無不可治之病醫不善醫信乎

葛根湯治太陽病項背強兀兀然無汗惡寒并治

三陽合病自利

葛根一兩

麻黃三分

桂心

甘草炙

芍藥各半

右剉散每服五錢水一盞半生薑五片棗一枚

煎七分去滓食前溫服三陽合病不下利但嘔

者加半夏六錢

脾約口治太陽陽明脾約是也大便堅小便利者

其脾為約

大黃二兩酒浸

厚朴去麩皮

枳殼去穢

白芍藥各半

麻子仁三分別研

杏仁一兩半別研

右為末煉蜜和杵一千下口如梧桐子大每服

二十口溫水下不拘時候未效加五口十口至

五十口止利後服糜粥將理

附子散治陰毒傷寒為病手足冷腰背強頭疼腹

痛或煩渴精神恍惚額與手背時出冷汗聲鄭重

爪甲脣面色青黑多因脾腎虛寒伏陰重感於寒

所致或因服冷藥過多心腹脹滿昏不知人

附子炮去皮

桂心

當歸去尾

白朮各半兩去芦

半夏湯泡去滑

乾薑各一分炮

右剉散每服三錢水二盞生薑三片煎至六分

不以時熱服衣覆取汗

返陰丹治陰毒傷寒心神煩燥頭痛四肢逆冷面

青腹脹脈沉伏者

硫黃通明五兩別研

消石別研

太陰玄精各二兩別研

乾薑炮

桂心各半

附子炮半

右用銕鈔先鋪玄精次下消末各一半中間鋪
硫黃末又將二石餘末蓋上以小盞合著熟炭
火三斤燒令得所勿令煙出急取瓦盆合著地
上四面灰蓋勿令煙出候冷取出研細入後藥
為末同研勻米糊口梧桐子大每服二三十口
煎艾湯下頓服汗出為度未退乃大著艾炷灸
臍下丹田氣海更不退則以葱鹽熨之其法亦
治氣虛陽脫體冷無脈氣息欲絕不省人事及
傷寒陰厥百藥不效其法見前

四逆湯治陰毒要藥前方見

當歸四逆湯治手足厥寒脈細欲絕者亦陰毒要

藥

當歸去尾

桂枝

芍藥

細辛各三兩

大棗二十枚

甘草炙

通草各二兩

右剉散以水八升煮三升去滓溫服一升日三
服內有久寒者加吳茱萸生薑主之

升麻湯治陽毒傷寒一二日便成陽毒或服藥吐
下後變成陽毒腰背痛煩悶不安面赤狂言或走
或見鬼或下利面赤斑斑如錦紋咽喉痛下膿血
脈浮大數五日可治七日不可治大抵宜早發汗

升麻二兩

犀角屑

射干

黃芩

人參

甘草炙各一分

右剉散每服五錢水一盞煎至七分熱服併進

三四服温覆汗出為度甚者加大承氣湯除厚朴

仁各一兩以利為效方見前

梔子仁湯治陽毒傷寒壯熱百節疼痛

梔子 赤芍藥 大青 知母 各一兩

升麻 黃芩 石膏 杏仁 各一兩

柴胡 甘草 各半兩

右剉散每服四錢水一盞薑三片豉二十粒煎

至七分不拘時候服

大陷胸湯治傷寒表未解醫反下之膈內拒痛兩

手不可近短氣煩燥心中懊憹心下鞭大便不通

舌燥而渴熱實脉沉而緊又治身無大熱有水結

在胸脇間者

大黃 兩半 芒消 四兩 甘遂 兩半

右剉散用水三盃先煎大黃至一大盃入芒消

煮鎔下甘遂末煮一沸分二服得利止

小陷胸湯治結胸病正在心按之則痛脉浮滑者

黃連 一分 半夏 湯洗去滑六錢 栝蒌實 四分

右剉散水二盞先煎栝蒌至一盞半入前藥煎

至六分去滓分二服利黃涎沫即安實去穢黃

芩各一分苦梗六錢累用有效

大陷胸曰治熱實結胸滿發於陽而反下之熱入

因作結胸以下之太早故也其病項強如柔瘥狀

下之則和

大黃 兩二 葶藶 炒 杏仁 去皮炒 芒消 各三分

右前二味為末將杏仁芒消合研為脂和葉取
下如彈子大一枚別研甘遂末一錢白蜜一大匕
因水二盞煎至七分頓服一宿乃下如不下更服
大取下為效甘遂性猛宜斟酌虛實入之

治結胸灸法

巴豆十四

黃連七寸連皮用

右為末用津唾和成膏填入臍心以艾炷其上
腹中有聲其病去矣不拘壯數病去為度纔灸
了便以溫湯浸手帕拭之恐生瘡
枳實理中口治寒實結胸及傷寒諸吐利後胃痞
欲絕膈高起急痛手不得近

枳實去穢炒

茯苓

人參

白朮

乾薑炮

甘草各等分炙

右為末蜜和一兩作四口熱湯化下渴加栝蘂
根下利加牡蠣粉各等分為末服亦可

栝蘂枳殼湯治傷寒氣痞胸滿欲死

枳殼去穢炒

栝蘂去蘆

甘草各等分

右剉散每服五錢水一盞半煎七分食前服痰
多加半夏生薑有熱加黃芩

三黃湯治傷寒陰證下之大早致心下痞按之軟
其脉關上浮者主之若未解未可攻宜先隨風寒
二證投桂枝麻黃湯表解已即服此

大黃蒸

黃連

黃芩去心等分

右剉散每服五錢沸湯二盞熱漬之一時久去

滓分二服暖服或汗出惡寒加附子別煎汁入一合同服

半夏瀉心湯治心下痞滿而不痛者

半夏湯一兩洗七次黃芩去心人參去芦

甘草炙乾薑各兩半黃連兩半

右剉散每服四錢水一盃半薑五片棗一枚煎七分溫服或傷寒中風醫反下之下利日數十行穀不化腹中鳴心下痞鞭乾嘔心煩者加甘草半兩人參一兩名甘草瀉心湯或汗出解後胃中不和心下痞硬乾噎食臭脇下水鳴下利者加生薑一兩減乾薑一兩餘如正方名生薑瀉心湯一方治痰熱心胸煩痞半夏口酒蒸黃

連口合和每服三十五口米飲下特效方見痰及下

近效方治陽證結曾死無可藥者曲鱈活者十一

條即也搗爛用蜜半盃水半碗灌服無蜜用砂糖

丁香柿蒂散治欬逆方見後

百合知母湯治病入欲食復不能食常默默欲卧復不能卧欲行復不能行有寒如無寒有熱如無熱飲食或美或不美如強健人而卧不能行口苦小便赤藥入口即吐利此因虛勞大病之後不平復寢成此疾名百合候此主之發汗後者服

百合七枚知母三兩

右先以水洗百合漬一宿當白沫出去其水更

以泉水二升煎取一升去滓別以泉水二升煎
知母每取一升去滓後合和煎取一升五合分
溫再服

滑石代赭湯治百合病下之後者

百合七枚 滑石三兩 碎 代赭如彈子大一

右先以水洗百合漬一宿當白沫出去其水更
以泉水二升煎取一升去滓別以泉水二升煎
滑石代赭取一升去滓後合和重煎取一升五
合分溫服不拘時候

雞子湯治百合病吐之後者

百合七枚 雞子黃十枚

右先以水洗百合漬一宿當白沫出去其水更

以泉水二升煎取一升去滓內雞子黃攪勻五
分溫服

百合洗方治百合病一月不解變成渴者

百合 水一斗漬一宿以洗身已食煮餅勿

以鹽豉

玄參升麻湯治傷寒失下不當下而下之熱毒在
胃發斑如錦紋甚則煩燥譫語兼治喉閉腫痛

玄參 升麻 甘草各半

右剉散每服五錢水一盞半煎七分去滓溫服
溫毒亦能發斑也

知母麻黃湯治壞傷寒以傷寒差後經久精神不
守言語錯謬或潮熱頰赤寒熱如瘧皆由汗下不

止毒在心胞間所致也

知母半一兩

麻黃去節

甘草炙

芍藥

黃芩去心

桂心各半兩

右剉散每服五錢水一盞半煎七分溫服日三四服若心煩欲飲水稍稍與之

黑奴圓治傷寒調理失序醫所不治及時行疫病七日不汗脈洪數面赤目瞪身熱煩燥狂言欲走大渴或口噤精魄已散但心下暖幹開口灌藥下咽即活亦治陽毒發斑

麻黃去節

大黃各二兩

芒消

釜底煤別研

梁塵別研

小麥奴

竈突墨各一兩別研

右為末煉蜜為圓彈子大新汲水研下一口渴者與冷水盡飲之須臾當寒寒竟汗出便差若日移五尺不汗依前法服一口差須病人大渴乃可與之不渴者勿服

無憂散治傷寒調理失序毒氣內結胃腹脹滿坐卧不安日久不差狂言妄語大小便不通或復吐逆

臍月黃牛膽

以天南星為末入膽內縛令緊當風避日懸之候乾取用

右為末以人參半兩煎湯七分盞調末二錢乘熱服遲頃更以熱人參湯投之或睡便溺下黃黑惡物是效

桃仁湯治狐惑默默欲眠目不瞑惡飲食面目乍

赤乍白乍黑齒無色舌上白聲哽咽乾此因大病後腸胃虛空三虫求食食人五臟食其喉則為惑其聲哽食下部則為狐其咽乾當看上唇有瘡虫食其臟下唇有瘡虫食其肛

桃仁去皮

槐子碎

艾各一兩

右剉散每服五錢水一大盞薑三片棗二枚煎七分食前服之

白頭翁湯治熱利下重及欲飲水者

白頭翁二兩

黃連

黃栢

秦皮各三兩

右剉散水七升煮取二升去滓温服一升不愈更飲一升即效

黃連阿膠口治同上

方見泄瀉類

黃連解毒湯治時疾三日已汗解或因飲酒復劇苦煩悶乾嘔口燥呻吟錯語不得卧

黃連三分

黃蘗半兩

梔子四枚

黃芩一兩

右剉散每服五錢水一盃半煎取一湯盃去滓服未知再服進粥以此漸差外臺云凡大熱盛煩嘔呻吟錯語不得眠者傳此方諸人用之亦效此直解毒熱除酷熱不必飲酒劇者

黃連犀角湯治傷寒及諸病後內有瘡出下部

黃連半兩

烏梅七個

犀角無則以升麻代

木香各一兩

右劉散每服五錢水一盃半煎七分食前服

雄黃兌散治下部匿瘡

雄黃

青箱子

苦參

黃連各二兩

桃仁去皮尖研一分

右為末以生艾擣汁和如棗核大綿裹納下部扁竹汁更佳無艾只用綿裹散子納下部亦得

四逆湯治傷寒厥或表熱裏寒不利清穀食入則吐或大汗大吐大下之後四肢冰冷五內拘急舉體疼痛不渴脉沉者方見前

白虎湯治熱厥腹滿身重難以轉側面垢譫語遺

溺手足厥冷自汗脉沉滑裏有熱也方見前

大承氣湯亦治熱厥當觀病淺深量多寡飲之方見

前

黃連阿膠湯治少陰病得之二三日已上心中煩不得卧者

黃連一兩

阿膠三分

雞子黃半箇

黃芩一分

芍藥半兩

右劉散每服四錢水二盃煎取一盃去滓內膠

消盡內雞子黃攪令和溫服日二服

文蛤散病在陽應以汗解之反以冷水噴之熱被

寒水入裏却不得去彌更益煩肉上粟起意欲飲

水反不渴者宜服若不差者與五苓散寒實結胸無熱證者與三物白散

文蛤一兩

右為散沸湯和服方寸匕湯用五合

三物白散治寒實結胸無熱證者屬太陽

貝母三分 桔梗三分 巴豆去心皮熬黑一分

右為散內巴豆研和以白飲和服強人半錢匕

寒羸人可減之病在膈上必吐在膈下必利不利

大進熱粥一盃利過不止進冷粥一盃身熱皮粟

不解欲引衣自覆若以水噴之洗之益令熱却

不得出當汗而不汗則煩假令汗出已腹中痛

與芍藥三兩如上法

十棗湯太陽中風下利嘔逆表解者乃可攻之其

人熱熱汗出發作有時頭痛心下痞鞭滿引脇下

痛乾嘔短氣汗出不惡寒者此表解裏未和也宜

服方見痰飲類

抵當湯太陽病六七日表證仍在脈微而沉反不

結胸其人發狂者以熱在下焦小腹鞭滿小便自

利者下血乃愈所以然者以太陽隨經瘀熱在裏

故也或太陽病身黃脈沉結小腹鞭小便不利者

為無血也小便自利其人如狂者血證諦也或傷

寒有熱小腹滿應小便不利今反利者為有血也

當下之不可餘蒸並宜服屬太陽陽明證其人喜

忘者必有畜血所以然者本有久瘀血故令喜忘

屎雖鞭大便反易其色必黑者宜此藥下之或病

人無表裏證發熱七八日雖脈浮數者可下之假

令已下脈數不解今熱則消穀喜飢至六七日不

大便者有瘀血宜服屬陽明

大黃皮一兩去酒洗 蠱蟲十枚去足熬 桃仁七枚去皮

水蛭十枚為害尤甚須到斷用水蛭入腹再煎

右為散作二服水二盞煎七分去滓溫服

吳茱萸湯食穀欲嘔屬陽明也此主之得湯反劇

者屬上焦也屬陽 少陰病吐利手足逆冷煩燥

欲死者或乾嘔吐涎沫頭痛者此並主之屬少

寒人參一兩去芦 吳茱萸一兩六錢半湯洗三遍

右為散每服四錢生薑四片棗子一枚水二盃

半煎八分去滓分二服

苦酒湯醋是也 治少陰病咽中傷生瘡不能語言

聲不出者

半夏洗碎如棗核十四枚 雞子一枚去黃內苦酒

右內半夏著苦酒中以雞子殼置刀環中安火

上令二三沸去渣少少含嚥之不差再服

牡蠣湯治發汗多頭眩汗出筋惕肉瞤

白朮 牡蠣粉炒黃 防風獨莖者去芦頭各等分

右為末每服二錢以酒調下米飲亦可日二三

服汗止便服小建中湯方見前

陰旦湯治傷寒肢節疼痛內寒外熱虛煩

芍藥二兩 甘草二兩 乾薑三兩炮

黃芩三兩 桂四兩

右剉散每服五錢棗二枚水一盃半煎八分去

滓溫服日三夜二覆令小汗

大白朮散治陰毒傷寒心間煩燥四肢逆冷

白朮

附子炮裂去皮

川烏頭製同上

右為末每服二錢水一中盃煎至六分不拘時稍熱服

回陽丹治陰毒傷寒面青手足逆冷心腹氣脹脈候沉細

葶澄茄

木香

乾蝎

附子炮裂去皮

硫黃細研入

吳茱萸湯洗七遍焙乾

乾薑一分

右為末酒煮麩糊口如梧子大每服三十口不計時候生薑湯下頻服三服復以熱酒一盃投之厚衣蓋取汗

正陽散治陰毒傷寒面青口張出氣心下硬身不熱只額上有汗煩渴不止舌黑多睡四肢俱冷

甘草一分炙

麝香一錢細研入附子一兩炮裂

乾薑一分炮

皂莢一挺去皮塗酥炙令黃色去子

右為末每服二錢水一中盃煎至五分不拘時熱服

肉桂散治傷寒服冷藥過度心腹脹滿四肢逆冷昏沉不識人變為陰毒

肉桂去麩皮

高良薑剉

厚朴去皮薑汁炙令香熟

白朮

木香各三分

人參去頭

赤芍藥

陳橘皮

附子炮裂去皮

前胡去頭

當歸各一兩

吳茱萸半兩炒黃

右到散每服四錢水一中盃棗三枚煎六分去滓不拘時稍熱頻服

陽毒(升麻湯)治傷寒一二日便成陽毒或服藥吐下之後變成陽毒腰背痛煩悶不安面赤狂言或走或見鬼或下利脉浮大數面赤斑斑如錦紋喉咽痛下膿血五日可治七日不可治

升麻 二兩 犀角屑 射干
黃芩 人參 甘草 各一分

右到散每服四錢水一盃半煎至一盃去滓飲半盃食頃再服溫覆手足出汗出汗則解不解再服

大黃散治陽毒傷寒未解熱結在內恍惚如狂

甘草 炙微赤 木通 剉 大腹皮 各一兩
桂心 三兩 川芒消 二兩 川大黃 兩半剉碎

桃仁 二十一枚 雙仁 一枚 湯浸去皮 麩炒令微黃

右到散每服四錢水一中盃煎至六分不拘時候溫服通利為度

五柔口老人虛人脚氣亡津液虛秘大便結調補三焦

大黃 四兩 前胡 一兩 半夏 洗七次

茯苓 浸酒 芍藥 茯苓 去皮

細辛 當歸 葶藶 炒各半兩

右為末煉蜜為口如梧桐子大溫水下二十口以通為度

葛根橘皮湯療冬温未即病至春被積寒所折不
得發至夏得熱其寒解冬温始發肌中斑爛癰瘡
如錦紋而欬心悶但嘔吐清水服此湯即靜

葛根

橘皮

杏仁

去皮尖
研炒

知母

黃芩

麻黃

去節
湯泡

甘草各
半兩

右剉散每服五錢水一大盃煎至一中盃去渣

温服

知母桂心湯治傷寒後不差朝夕有熱如瘧

麻黃

一兩
去節

甘草

一兩

知母

二兩
作一兩

或

芍藥

黃芩

各一
兩

桂心

二兩
作一兩

或

右為散每服四錢水一盃半生薑四片煎一盃

去滓取八分清汁温熱服日三覆令微汗若心

煩不眠其人欲飲水當稍稍與之令胃中和則

愈

增損四物湯治少陰下利手足冷無熱候者

甘草

人參

龍骨

各二
兩

黃連

乾薑

各一
兩

附子

一枚
炮
去皮臍

右剉散每服三錢水一盃煎七分日三服不差
復作下利腹痛加當歸二兩嘔者加橘皮一兩

化斑湯治斑毒

人參

石膏

各半
兩

萎蕤

知母

甘草

各一
分

右剉散每服五錢匕水一盃半入糯米一合煎

八分取米熟為度去滓溫服

黃連橘皮湯治溫毒發斑

黃連四兩

陳橘皮

杏仁去皮

枳實炙

麻黃湯去節

葛根各二兩

厚朴薑汁炙

甘草各一兩

右剉散每服五錢水一小盃半煎至一盃去滓

服下利當先止

陽旦湯治中風傷寒脈浮發熱往來汗出惡風項

強鼻鳴乾嘔

桂心

芍藥各三兩

甘草

黃芩各二兩

右剉散每服五錢水一盃半棗子一枚生薑三

片煎至一盃取八分清汁溫服自汗者去桂心

加附子一枚炮渴者去桂心加括蕒三兩利者

去芍藥桂加乾薑三兩心下悸者去芍藥加茯

苓四兩虛勞裏急者正陽旦湯主之前煎時入膠

飴為佳若脈浮緊無汗發熱者不可與

竹皮湯療交接勞復卵腫腹中絞痛欲絕

刮竹青皮斤一

右用水三升煮取一升半絞去滓分服立愈

乾薑湯療婦人得溫病雖差未復未滿一百日不

可與交合為陰易之病病必拘急手足拳皆死丈

夫病以傷婦人名為陽易速當療之可差滿一百

日不可療也宜服此藥

乾薑 一分

右剉散水二盃煎六分溫服汗出得解止手足

神遂愈
青竹茹湯 婦人病未平復因有所動致熱氣上衝
胸手足拘急搖擗如中風狀

括蕪根 無黃根者二兩 青竹茹 刮半斤淡竹者

右水二升煮取一升二合去滓溫溫作二三服

喫立效

當歸白朮湯 婦人未平復因有所動小腹急痛腰
跨疼四肢不任舉身無熱發者

白朮 桂枝 去皮 甘草 炙

人參 黃耆 蜜炙 芍藥 各一分

生薑 半兩 當歸 一兩 附子 一枚破分

右剉散水三升煮取一升半去滓通口服一半
食頃再服一半溫服微汗便差

知母麻黃湯 傷寒差後或十數日或半月二十日
終不惺惺常昏沉似失精神言語錯謬又無寒熱
醫或作鬼祟或作風疾多般治不差或朝夕潮熱
頰赤或有寒熱似瘧都是發汗不盡餘毒在心胞
絡間所致

知母 一兩 麻黃 去節 甘草 炙

芍藥 黃芩 各半

桂枝 去皮半兩盛暑中

右剉散每服五錢水一盃半煎八分去滓溫服

半日可相次二三服溫覆令微汗若心煩不眠
欲飲水當稍稍與之令胃中和即愈未汗再服
應手方治傷寒舌出寸餘連日不收

以梅花腦子為末摻舌上應手而收當用五錢
病方愈

白朮散治傷寒氣脈不和增寒壯熱鼻塞腦悶涕
唾稠粘痰咳壅滯或冒涉風濕增寒發熱骨節煩
痛或中暑嘔吐眩暈及大病後將理失宜食復勞
復病證如初悉主之又五勞七傷氣虛頭眩精神
恍惚睡卧不寧肢體倦怠潮熱盜汗脾胃虛損面
色萎黃飲食不美口吐酸水臟腑滑泄腹內虛鳴
反胃吐逆心腹絞痛久瘧久痢及膈氣噎塞上氣

喘促坐卧不安或飲食所傷胸膈痞悶腹脇腹脹
婦人產前產後血氣不和霍亂吐瀉氣厥不省人
事並宜服之常服辟四時不正之氣及山嵐瘴疫

白芷 陳皮 甘草 炒青皮 白茯苓 皮

桔梗 山藥 香附子 以上各三

乾薑 兩半 白朮 去蘆 兩

右剉散每服二錢水一盃薑三片棗一枚木瓜

一片紫蘇葉二三皮煎七分食前服若吐瀉入

白梅煎喘加桑白皮杏仁傷寒勞役入薄荷膈

氣木通三寸麝香少許中暑嘔逆入香薷產前

產後血氣不和入荆芥霍亂入藿香氣厥入鹽

煎服

又方〔白朮散〕治傷寒雜病一切吐瀉煩渴霍亂虛損氣弱保養衰老及治酒積嘔噦

白朮一分 茯苓去皮 人參各半 甘草兩半
木香一分 藿香半兩 葛根一兩

右為末白湯調服二錢煩渴加滑石二兩甚者加薑汁續續飲之

蜜煎導法陽明病自汗出若發汗小便自利者此為津液內竭屎雖鞭不可攻之當須自欲大便宜

蜜煎導而通之若土瓜根及大猪膽汁皆可為導
右蜜四兩銅器中微火煎之稍凝如飴狀攪之勿令焦著欲可圓捻作鋌如指許長二寸當熱時急作令頭銳內穀道中以手急抱欲大便時乃去之

猪膽汁方
右以大猪膽一枚瀉汁和法醋少許以灌穀道中如一食頃當大便

蜜漬栢皮治口瘡舌潰爛
右以大藥去麁皮蜜漬一宿含之吞汁勿絕差

或用蜜炙焦黃色研為末每服半錢搽

灸法初得病或先頭痛身寒熱或潛潛欲守火或腰背強直面目如飲酒狀此傷寒初得一二日

但烈火灸心下三處第一處去心下一寸名巨闕第二處去心下二寸名上管第三處去心下三寸名胃管各灸五十壯然或人形大小不同

恐寸數有異可繩度隨其長短寸數最佳取繩
從心頭骨名鳩尾頭度取臍孔中屈繩取半當
繩頭名胃管又中屈半繩更分為二分從胃管
向上度一分即是上管又上度取一分即是巨
關大人可灸五十壯小兒可三壯亦隨其年灸
之大小以意斟量也若病者三四日以上宜先
灸胸上二十壯以繩度鼻正上盡髮際中屈繩
斷去半便從髮際入髮中灸繩頭名曰天聰又
灸兩顛顛穴在耳後動處又灸兩風池穴在項
後髮際陷中又灸肝腧穴在第九椎下兩傍相
去各一寸半百壯餘處各二十壯又灸太衝穴
在足大指本節後二寸或一寸半陷中三十壯

神驗

世醫得效方卷之一終

13

